



Republika ng Pilipinas
Lalawigan ng Laguna
PAMAHALAANG BAYAN NG LOS BAÑOS
Special Science and Nature City
TANGGAPAN NG SANGGUNIANG BAYAN
Municipal Hall, National Highway, Brgy. Timugan,
Los Baños, Laguna 4030 Philippines
Email: losbaños@laguna.net

SINIPI SA KATITIKAN NG IKA-TATLUMPU'T -ISANG (31ST) PANGKARANIWANG PULONG NG SANGGUNIANG BAYAN NOONG AGOSTO 16, 2021 NA GINANAP SA SANGGUNIANG BAYAN SESSION HALL, NATIONAL HIGHWAY, BRGY. TIMUGAN, LOS BAÑOS, LAGUNA.

Mga Dumalo : Bise Alkalde Josephine H. Sumangil - Evangelista, Tagapangulo
Konsehal Janos S. Lapiz
Konsehal Geronimo A. Ciceron.
Konsehal Mike Dexter A. Concio
Konsehal Mark Lester B. Dizon
Konsehal Cris Dayril B. Bagnes
Konsehala Arlene P. delos Santos, Liga President
Konsehala Jozylyn N. Manansala, SK Fed. President
Kalihim Dona T. Alborida
Gng. Felomina I. Lincallo, LLSO I

Di - Nakadalo : Konsehal Miko C. Pelegrina, (O.B.)
Konsehal Marlo PJ A. Alipon, (O.B.)
Konsehala Rodora P. Loares, (On-Quarantine)

Panauhin : Dr. Alvin A. Isidoro, Pinuno ng Tanggapang Pangkalusugan
Gng. Susan Telosa, Barangay Maahas, Los Baños, Laguna

KAPASIYAHAN BLG. 2021 - 168

KAPASIYAHANG PINAGTITIBAY AT SINUSUPORTAHAN ANG KAPASIYAHAN NG SANGGUNIANG BARANGAY NG BAMBANG BILANG 14-S-2021 MAY PETA HULYO 12, 2021, “ KAPASIYAHANG PINAGTITIBAY ANG PAGSULONG NG PETISYON SA PAGTUTOL SA PROYEKTONG TRANSFER STATION NG MUNISIPIO MULA SA ILANG CONCERNED CITIZENS SA UPPER DAMPALIT, BARANGAY BAMBANG, SA SANGGUNIANG BAYAN NG LOS BAÑOS.”

May Akda : Konsehal Geronimo A. Ciceron

SAPAGKAT, ang Sangguniang Barangay Bambang ay nakatanggap ng Petisyon, mula sa ilang “ concerned citizens”, na tumututol sa planong pagpapatayo ng transfer station sa Upper Dampalit sa Barangay Bambang;

SAPAGKAT, hiniling ng mga nagpetisyon na tugunan ng Sangguniang Barangay Bambang ang kanilang petisyon;

SAPAGKAT, ang karamihan sa bumubuo ng Sangguniang Barangay Bambang ay sumusuporta sa pagtatag ng isang Transfer Station para sa pangangasiwa ng basura sa Munisipalidad ng Los Baños, subalit kinakailangan nilang dinggin at pagtuunan ng pansin ang nasabing petsiyon ng pagtutol ng mga ilang “concerned citizens” na naninirahan malapit sa lugar ng planong pagtayaran ng TRANSFER STATION;

SAPAGKAT, nagkaroon ng pag-aalala ang ilang naninirahan sa lugar na malapit sa planong pagtayaran ng Transfer Station sa maaaring masamang dulot sa kalusugan at kapaligiran ng nasabing proyekto sa paglipas ng panahon;

SAPAGKAT, ang Sangguniang Barangay ay patuloy na naninindigan sa pagsuporta ng pagtataguyod sa isang Transfer Station sa munisipalidad, minarapat pa rin ng kabuuan na isulong sa Sangguniang Bayan ng Los Baños ang nasabing petsiyon upang mapag-usapan ng mas nakararami;

SAPAGKAT, sa naganap na pagpupulong ng Komite ng Pangkapaligiran noong Agosto 12, 2021, ay tahasang iniulat ni Konsehal Geronimo A. Ciceron sa Ika-Tatlumpu't Isang (31st) Pangkaraniwang Pulong may petsa Agosto 16, 2021, na ang mismong Kagawarang ng Kapaligiran at Likas na Yaman o Department of Environment and Natural Resources (DENR) ang hindi nagbigay ng pahintulot na maglagay ng Transfer Station sa nasabing lugar;


SAPAGKAT, ayon sa isinagawang pag-aaral ng Kawanihan ng Pamamahalang Pangkapaligiran o Environmental Management Bureau ng Kagawaran ng Kapaligiran at Likas Yaman (Department of Environment and Natural Resources) na ang mga patas ng mga bato sa nasabing lugar ay mayroon ng senyales na bumigay;

KUNG KAYA'T DAHIL DITO, sa mungkahi ni Konsehal Geronimo A. Ciceron, pinangalawahan ni Konsehal Mike Dexter A. Concio ay buong pagkakaisang sinang-ayunan ng lahat ng konsehal na dumalo sa pulong ang nasabing kapasiyahan;


IPINASIYA, GAYA NG MAGALANG NA PAGPAPASIYA, ang Kapasiyahang pinagtibay at sinusuportahan ang Kapasiyahan Ng Sangguniang Barangay Ng Bambang Bilang 14-S-2021 may petsa Hulyo 12, 2021, “Kapasiyahang pinagtibay ang pagsulong ng petsiyon sa pagtutol sa proyektong Transfer Station ng Munisipyo Mula sa ilang concerned citizens sa Upper Dampalit, Barangay Bambang, sa Sangguniang Bayan ng Los Baños.”

PINAGTIBAY : Agosto 16, 2021

PINATUTUNAYAN KO ang kawastuhan ng Kapasiyahang ito.


DONA T. ALBORIDA
Kalihim para sa Sangguniang Bayan

PINATOTOHANAN:


KGG. JOSEPHINE H. SUMANGIL- EVANGELISTA
Bise Alkalde / Tagapangulo